

**2025 წელს კულტურისა და განათლების ქვეპროგრამების ფარგლებში
გაწეული მუშაობის შესახებ ანგარიში**

2025 წლის საანგარიშო პერიოდში ძირითად მიმართულებად განვსაზღვრეთ კულტურული, საგანმანათლებლო, ტურიზმისა და კულტურული ძეგლების დაცვის ხელშეწყობი ღონისძიებების ორგანიზება. ღონისძიებები დავგეგმეთ სხვადასხვა ფორმატით, მიზნობრივ ჯგუფებზე გათვლილი სხვა შემეცნებისა და გართობის კომპონენტის მქონე მრავალფეროვანი აქტივობებით.

ქედის მუნიციპალიტეტის მერიის განათლების, კულტურის, სპორტის, ტურიზმის, ახალგაზრდულ საკითხთა და ძეგლთა დაცვის სამსახურის 2025 წლის პროგრამული ბიუჯეტის კულტურის განვითარების ხელშეწყობის ქვეპროგრამით - (კულტურული ღონისძიებების ორგანიზება, მხარდაჭერა და ხელშეწყობა) გათვალისწინებულ ღონისძიებებში ჩართული იყვნენ სპეციალური საგანმანათლებლო საჭიროების მქონე მოსწავლეები, შშმ პირები, მასწავლებლები, მუნიციპალიტეტში მცხოვრები სხვადასხვა სტატუსისა და ასაკის ბენეფიციარები. ღონისძიებების მიზანი იყო კულტურული ცხოვრების გამრავალფეროვნება, ეროვნული დღესასწაულების პოპულარიზაცია, საზოგადოებაში ცნობიერებისა და მოტივაციის ამაღლება, მოსწავლეების სწავლით დაინტერესება, მათი წახალისება, საქართველოს სხვადასხვა კუთხის გაცნობა, შიდა ტურიზმის განვითარების ხელშეწყობა, საზოგადოებაში არსებული სტერეოტიპული შეხედულებების მსხვრევა.

2025 წლის კულტურული ღონისძიებების ქვეპროგრამის ფარგლებში განხორციელებულია შემდეგი ღონისძიებები:

დედისა და ქალთა საერთაშორისო დღე, დაიხარჯა: 9225 ლარი

ჩატარების თარიღი: 08 მარტი 2025 წელი.

ჩატარების ადგილი: ქედის მუნიციპალიტეტი, ცხმორისის კულტურის სახლი.

ღონისძიების მიზანი: ქედის მუნიციპალიტეტში მცხოვრები ქალბატონების, ღვაწლმოსილი, უხუცესი და მრავალშვილიანი დედებისათვის 3-8 მარტის მილოცვა, მათი დაფასება, ღვაწლის წარმოჩენა.

გაიმართა ამ დღისადმი მიძღვნილი კონცერტი. ღონისძიების ფარგლებში შერჩეულ 75 ბენეფიციარს გადაეცა 100 ლარის ღირებულების სასაჩუქრე ვაუჩერი. ასევე ღონისძიების ფარგლებში განხორციელდა მუნიციპალიტეტში მცხოვრები 10 უხუცესი ქალბატონის მონახულება, ტკბილეულისა და ფასიანი საჩუქრების გადაცემა.

8 აგვისტოს დღისადმი მიძღვნილი ღონისძიება, დაიხარჯა: 400 ლარი.

ჩატარების თარიღი: 08 აგვისტო 2025 წელი.

ჩატარების ადგილი: ქედის მუნიციპალიტეტი, სოფელი მერისი.

ღონისძიების მიზანი: ომში დაღუპულ გმირთა სახელის უკვდავყოფა.

ღონისძიების ფარგლებში განხორციელდა რუსეთ-საქართველოს ომის დროს დაღუპული გმირის საფლავის მონახულება სოფელ მერისში. გმირის საფლავის ყვავილებითა და გვირგვინით შემკობა.

ადგილობრივი და საერთაშორისო დღეების აღნიშვნა:

დაუნის სინდრომის მსოფლიო დღე, დაიხარჯა: 750 ლარი

ჩატარების თარიღი: 21 მარტი 2025 წელი.

ჩატარების ადგილი: დაბა ქედის ადმინისტრაციული ერთეული.

ღონისძიების მიზანი: დაუნის სინდრომთან დაკავშირებით საზოგადოების ცნობიერების ამაღლება, საზოგადოებაში არსებული სტერეოტიპების მსხვერვა. ტრენინგი ჩატარდა არანაკლებ 25 მსმენელისათვის თემაზე: „დაუნის სინდრომის მქონე ადამიანების თანასწორუფლებიანობის გამყარება“. ტრენინგის ხანგრძლივობა არანაკლებ 45 წუთი. მოეწყო ალაფურშეტი.

ბაირამი, დაიხარჯა: 1350 ლარი

ჩატარების თარიღი: 30 მარტი 2025 წელი.

ჩატარების ადგილი: ქედის მუნიციპალიტეტი, ცხმორისის, ოქტომბრისა და პირველი მაისის ადმინისტრაციული ერთეულები;

ღონისძიების მიზანი: ქედის მუნიციპალიტეტში მცხოვრებ მუსლიმანური სარწმუნოების მიმდევრებზე დღესასწაულის მილოცვა და შესაბამისი სადღესასწაულო გარემოს შექმნა. ღონისძიების ფარგლებში მუნიციპალიტეტში მოქმედ მეჩეთების მომლოცველებს გადაეცათ ტკბილეულის ფუთები.

აუტიზმის საერთაშორისო დღე, დაიხარჯა: 650 ლარი

ჩატარების თარიღი: 02 აპრილი 2025 წელი.

ჩატარების ადგილი: მახუნცეთის ადმინისტრაციული ერთეული.

ღონისძიების მიზანი: გაიზარდოს საზოგადოების ცნობიერების დონე აუტიზმთან დაკავშირებით. ასევე ხელი შეუწყოს აუტიზმის მქონე ადამიანების უფლებების დაცვას.

ტრენინგი ჩატარდა არანაკლებ 25 მსმენელისათვის თემაზე: „აუტისტური სპექტრის გამოვლენა და ქცევის პოზიტიური მართვა“. ტრენინგის ხანგრძლივობა არანაკლებ 45 წუთი. მოეწყო ალაფურშეტი.

აღდგომის ბრწყინვალე დღესასწაული, დაიხარჯა: 2325 ლარი

ჩატარების თარიღი: 20 აპრილი 2025 წელი.

ჩატარების ადგილი: დაბა ქედა, რუსთაველის ქუჩა, უფასო კვების სასადილო.

დაბა ქედის წმინდა ნიკოლოზის სახელობის ეკლესია, ზვარის წმინდა გიორგის სახელობის ეკლესია, ზესოფლის სერაფიმ საროველის სახელობის ეკლესია.

ღონისძიების მიზანი: სააღდგომო სადღესასწაულო გარემოს შექმნა. ქედის მუნიციპალიტეტში არსებული უფასო კვების სასადილოთი მოსარგებლე 25 ბენეფიციარს გადაეცათ აღდგომის ბრწყინვალე დღესასწაულთან დაკავშირებით სააღდგომო პასკა და ტკბილეულის ფუთა. ასევე ღონისძიების ფარგლებში ეკლესიებს გადაეცათ სააღდგომო ტკბილეულის ფუთები.

დედამიწის საერთაშორისო დღე, დაიხარჯა: 650 ლარი

ჩატარების თარიღი: 22 აპრილი 2025 წელი.

ჩატარების ადგილი: დაბა ქედა, რუსთაველის ქუჩის მიმდებარედ არსებული სკვერი

ღონისძიების მიზანი: ბუნების დაცვა და მოვლა. ახალგაზდრდებში ბუნების მოვლის მნიშვნელობაზე ცნობიერების ამაღლება.

ღონისძიების ფარგლებში შეძენილი იქნა 15 ძირი ტუიას ნერგი, რომლებიც დაირგა დაბის ტერიტორიაზე, სადაც ჩართული იყვნენ სსიპ ვახტანგ პაპუნძის სახელობის დაბა ქედის საჯარო სკოლის მოსწავლეები, ასევე სსსმ მოსწავლეები და პედაგოგები.

ბულინგთან ბრძოლის საერთაშორისო დღე, დაიხარჯა: 650 ლარი

ჩატარების თარიღი: 04 მაისი 2025 წელი.

ჩატარების ადგილი: დანდალოს ადმინისტრაციული ერთეული.

ღონისძიების მიზანი: საზოგადოებაში ცნობიერების ამაღლება ბულინგთან დაკავშირებით, ასევე ხელი შეუწყოს თანატოლებში ძალადობის ხელშემწყობი პირობების აღმოფხვრას.

ტრენინგი ჩატარდა არანაკლებ 25 მსმენელისათვის თემაზე: „საზოგადოებაში ბულინგის პრევენცია და ტოლერანტული კულტურის განვითარების ხელშეწყობა“. ტრენინგის ხანგრძლივობა არანაკლებ 45 წუთი. მოეწყო ალაფურშეტი.

9 მაისი - ფაშიზმზე გამარჯვების დღე, დაიხარჯა: 550 ლარი

ჩატარების თარიღი: 09 მაისი 2025 წელი.

ჩატარების ადგილი: დაბა ქედა, ყედის შერვაშიძის სახელობის სკვერი, წონიარისის ადმინისტრაციული ერთეული, ცხმორისის ადმინისტრაციული ერთეული.

ღონისძიების მიზანი: სამშობლოსათვის თავდადებულ გმირთა ხსოვნა, მათი პატივისცემა, ეროვნული დღესასწაულების აღნიშვნა.

ღონისძიების ფარგლებში ქედის ხანდაზმულთა კლუბის წევრებმა, ადგილობრივი თვითმმართველობისა და ძალადგანი სტრუქტურების წარმომადგენლებმა გვირგვინითა და ყვავილებით შეამკენ მეორე მსოფლიო ომში დაღუპულ გმირთა მემორიალები და პატივი მიაგენ მათ ხსოვნას. ჩატარდა მცირე კულტურული აქტივობა.

26 მაისი - საქართველოს დამოუკიდებლობის დღე, დაიხარჯა: 7340 ლარი

ჩატარების თარიღი: 26 მაისი 2025 წელი.

ჩატარების ადგილი: ქედის მუნიციპალიტეტი

ღონისძიების მიზანი: საქართველოს დამოუკიდებლობის (ეროვნული) დღის აღნიშვნა. ამ დღის არსი და მნიშვნელობა, თუ რამდენად მნიშვნელოვანია ქვეყნისათვის თავისუფლება.

ღონისძიების ფარგლებში გაფორმდა კუთხეები, მოეწყო კულტურული (კონცერტი) და სპორტული აქტივობები (მარათონი, ბირთვის კვრა). ღონისძიებაში ჩართულ მონაწილეებსა და დაინტერესებულ პირებს გადაეცათ მაისურები, მოეწყო ფლემშობი და თემატური გამოფენები.

ბავშვთა დაცვის საერთაშორისო დღე, დაიხარჯა: 4640 ლარი

ჩატარების თარიღი: 01 ივნისი 2025 წელი;

ჩატარების ადგილი: დაბა ქედა, ფრიდონ ხალვაშის სახელობის პარკი;

ღონისძიების მიზანი: გავულამაზოთ ბავშვებს ცხოვრება და დავიცვათ ბავშვთა უფლებები, პატარებისათვის ბავშვთა დაცვის დღის მილოცვა, მათთვის ცხოვრების გალამაზება.

ღონისძიებების ფარგლებში მოეწყო დეკორატიული კუთხეები, ჩატარდა კონცერტი და სხვადასხვა გასართობი აქტივობები. ღონისძიების ფარგლებში მოწვეულ იქნა მულტფილმის გმირები, მოეწყო სხვადასხვა გასართობი საბავშვო შოუ, ბავშვებს დაურიგდა უფასოდ ნაყინი.

გარემოს დაცვის საერთაშორისო დღე, დაიხარჯა: 861 ლარი

ჩატარების თარიღი: 05 ივნისი 2025 წელი.

ჩატარების ადგილი: მტირალას ეროვნული პარკი.

ღონისძიების მიზანი: ბუნების დაცვა და მოვლა. ახალგაზდრდებში ბუნების მოვლის მნიშვნელობაზე ცნობიერების ამაღლება.

ღონისძიების ფარგლებში ჩართული იყვნენ მუნიციპალიტეტის საჯარო სკოლების მოსწავლეები. განხორციელდა ტრანსპორტირება და კვებითი მომსახურება.

შშმ პირთა უფლებების დაცვის დღე, დაიხარჯა: 650 ლარი

ჩატარების თარიღი: 14 ივნისი 2025 წელი.

ჩატარების ადგილი: მერისის ადმინისტრაციული ერთეული.

ღონისძიების მიზანი: მოსახლეობაში ცნობიერების ამაღლება, შშმ პირთა უფლებების დაცვა, შშმ პირთა მიმართ მართებული მიდგომების, ტერმინების, სწორი დამოკიდებულებების შესახებ ინფორმაციის მიწოდება. შეზღუდული შესაძლებლობის მქონე პირთა სოციალური იზოლაციის დაძლევა, საზოგადოებაში მათ მიმართ არსებული ნეგატიური სტერეოტიპების რღვევა და მათი რეალური შესაძლებლობების წარმოჩენა.

ტრენინგი ჩატარდა არანაკლებ 25 მსმენელისათვის თემაზე: „თანაბარი უფლებები, თანაბარი შესაძლებლობები“. ტრენინგის ხანგრძლივობა არანაკლებ 45 წუთი. მოეწყო ალაფურშეტი.

სიკეთის მსოფლიო დღე, დაიხარჯა: 650 ლარი

ჩატარების თარიღი: 13 ნოემბერი 2025 წელი

ჩატარების ადგილი: ქედის მუნიციპალიტეტი, სსიპ ქედის მუნიციპალიტეტის სოფელ ორცვის საჯარო სკოლა.

ღონისძიების მიზანი: საზოგადოებაში სიკეთის კეთების დანერგვა და მხარდაჭერა.

ტრენინგი ჩატარდა თემაზე: „სიკეთე და მზრუნველობა მნიშვნელოვანი მორალური ღირებულებები“, რომელიც გათვალისწინებული იყო არანაკლებ 25 მსმენელისათვის, ტრენინგის ხანგრძლივობა 45 წუთი. მოეწყო ალაფურშეტი.

მასწავლებელთა დღისადმის მიღწილი ღონისძიება, დაიხარჯა: 8499,33 ლარი

ჩატარების თარიღი: 23 სექტემბერი 2025 წელი

ჩატარების ადგილი: დაბა ქედა, ქედის ღვინის სახლის საკონფერენციო დარბაზი.

ღონისძიების მიზანი: განათლების ხელშეწყობა, მასწავლებლების წახალისება, მხარდაჭერა, ღვაწლის დაფასება და მადლობის გადახდა საზოგადოებაში შეტანილი მნიშვნელოვანი წვლილისათვის.

ღონისძიების ფარგლებში 40 მასწავლებელს გადაეცა 100 ლარის ღირებულების სასაჩუქრე ვაუჩერი და ყვავილები, განხორციელდა ტკბილეულით (ტორტი) და კვებით (მასწავლებლებისა და მოწვეული სტუმრების) განასპინძლება 50 კაცი.

ხანდაზმულთა საერთაშორისო დღე, დაიხარჯა: 3456 ლარი

ჩატარების თარიღი: 01 ოქტომბერი 2025 წელი

ჩატარების ადგილი: დაბა ქედა

ღონისძიების მიზანი: ქედის მუნიციპალიტეტში მცხოვრები ხანდაზმულების დაფასება და მხარდაჭერა, უფროსების მიმართ პატივისცემის გამოხატვა.

ღონისძიების ფარგლებში 1936 წელს დაბადებულ 32 ხანდაზმულს (20 ქალი და 12 მამაკაცი) გადაეცა 80 ლარის ღირებულების თბილი სამოსი და ტკბილეულის ფუთა.

მუნიციპალიტეტში მცხოვრები უფასო კვებით მოსარგებლე ბენეფიციარებისათვის საახალწლო ფუთის შექმნა, დაიხარჯა: 1080 ლარი

ჩატარების თარიღი: 22 დეკემბერი 2025 წელი

ჩატარების ადგილი: დაბა ქედა

ღონისძიების მიზანი: მუნიციპალიტეტში მცხოვრები უფასო კვებით მოსარგებლე ბენეფიციარებისათვის საახალწლო განწყობის შექმნა.

ღონისძიების ფარგლებში 25 ბენეფიციარს გადაეცა ტკბილეულის ფუთა.

ტურიზმის და კულტურული ძეგლების დაცვის ხელშეწყობი ღონისძიებები:

ეესკურსია ვარძიასა და რაბათში, დაიხარჯა: 6403, 67 ლარი

ჩატარების თარიღი: 25-26 ოქტომბერი 2025 წელი

ჩატარების ადგილი: ასპინძის მუნიციპალიტეტი, ახალციხის მუნიციპალიტეტი.

ლონისძიების მიზანი: ტურიზმის პოპულარიზაცია და წარმოჩენა, ახალგაზრდების ცხოვრების გააქტიურება. მომავალ თაობაში ჩვენი ქვეყნის კულტურული და ისტორიული ღირებულებების გაცნობა. ლონისძიების ფარგლებში განხორციელდა 35 მონაწილის სატრანსპორტო მომსახურება, ღამისთევა, კვებითი მომსახურება.

მოიალაღების მონახულება, დაიხარჯა: 4751 ლარი

ჩატარების თარიღი: 10 აგვისტო 2025 წელი

ჩატარების ადგილი: ქედის მუნიციპალიტეტის მთა სარიჩაირი ლონისძიების მიზანი: შიდა და სამთო ტურიზმის განვითარება. სოფლისა და კულტურული ტურიზმის პოპულარიზაცია და წარმოჩენა, მომავალ თაობაში ჩვენი ქვეყნის კულტურული და ისტორიული ღირებულებების გაცნობა. ადგილობრივი ტრადიციების დაცვა და შენარჩუნება. მოიალაღებისათვის ცხოვრების გამრავალფეროვნება და სადღესასწაულო განწყობის შექმნა.

ლონისძიების ფარგლებში განხორციელდა ადგილობრივი მთის მოიალაღებისათვის სურსათის შექმნა.

შშმ პირთა ჩართვა კულტურულ, საგანმანათლებლო და სხვადასხვა ლონისძიებებში

ლონისძიების მიზანი: ხელი შევუწყოთ შშმ პირების სოციალურ რეალიზებას, თანაბარი შესაძლებლობებისა და უფლებების დანერგვას, სხვადასხვა უნარ-ჩვევის გამოვლენას, ჯანსაღი კომუნიკაციის დამყარებასა და ნიჭის აღმოჩენას შემდგომში წარმატების მისაღწევად. შეზღუდული შესაძლებლობის მქონე პირებისათვის ცხოვრების გააქტიურება და ინკლუზიური საზოგადოების ჩამოყალიბების ხელშეწყობა.

შშმ პირთა ექსკურსია „შეკვეთილში“, დაიხარჯა: 1015 ლარი;

ჩატარების თარიღი: 23 ოქტომბერი 2025 წელი

ჩატარების ადგილი: ოზურგეთის მუნიციპალიტეტი

ლონისძიებაში ჩართული იყო ქედის მუნიციპალიტეტში მცხოვრები 12 შშმ პირი და 3 თანმხლები პირი. განხორციელდა კვებითი და სატრანსპორტო მომსახურება, მინიატურების პარკის ბილეთებით უზრუნველყოფა, ასევე დაათვალიერეს მუსიკოსთა პარკი.

შშმ პირთა ექსკურსია ბათუმში დაიხარჯა: 1650 ლარი;

ჩატარების თარიღი: 11 სექტემბერი 2025 წელი

ჩატარების ადგილი: ქ. ბათუმი

ლონისძიებაში ჩართული იყო ქედის მუნიციპალიტეტში მცხოვრები 12 შშმ პირი და 3 თანმხლები პირი. განხორციელდა კვებითი და სატრანსპორტო მომსახურება, მოეწყო გემითა და ბათუმის საბაგროთი გარსეირნება, ეთნოგრაფიული მიზეუმის „ბორჯღალო“-ს დათვალიერება. უზრუნველყოფილი იქნა ბილეთებისა და გიდის მომსახურება.

შშმ პირთა ექსკურსია ბათუმის ბოტანიკურ ბაღში დაიხარჯა: 1160 ლარი;

ჩატარების თარიღი: 08 ოქტომბერი 2025 წელი

ჩატარების ადგილი: ქ. ბათუმი

ლონისძიებაში ჩართული იყო ქედის მუნიციპალიტეტში მცხოვრები 12 შშმ პირი და 3 თანმხლები პირი. განხორციელდა კვებითი და სატრანსპორტო მომსახურება, მოეწყო გემითა და ბათუმის საბაგროთი გარსეირნება, ეთნოგრაფიული მიზეუმის „ბორჯღალო“-ს დათვალიერება. უზრუნველყოფილი იქნა ბილეთებისა და გიდის მომსახურება.

“ქედის ხანდაზმულთა კლუბი „ღირსეული სიბერე“ ხელშემწყობი ღონისძიებები

ღონისძიების მიზანი: ქედის მუნიციპალიტეტში მცხოვრები ხანდაზმულებისათვის ცხოვრების გააქტიურება, მათი ღვაწლის დაფასება. ხანდაზმულები გაეცნობიან ჩვენი ქვეყნის კულტურულ და ისტორიულ ღირებულებებს. ჩართული იქნებიან სხვადასხვა ღონისძიებებში, სადაც ერთმანეთს გაუზიარებენ თავიანთ გამოცდილებებსა და შეხედულებებს.

ასევე ტურიზმის განვითარების თვალსაზრისით დაგეგმილია ქედის ხანდაზმულთა კლუბის „ღირსეული სიბერე“ წევრებისათვის ექსკურსიების მოწყობა, რომლითაც ხელი შეეწყობა შიდა ტურიზმის განვითარებას, სოფლისა და კულტურული ტურიზმის პოპულარიზაციასა და წარმოჩენას.

ქედის ხანდაზმულთა კლუბის „ღირსეული სიბერე“ წევრი ქალბატონებისათვის დედისა და ქალთა საერთაშორისო დღის აღნიშვნა, დაიხარჯა: 1450 ლარი

ჩატარების თარიღი: 08 მარტი 2025 წელი

ჩატარების ადგილი: დაბა ქედა

ღონისძიებების მიზანი: ქედის მუნიციპალიტეტში მცხოვრები ხანდაზმულების ცხოვრების გააქტიურება, მათი ღვაწლის დაფასება. კლუბის 15 წევრ ქალბატონს გადაეცა 50 ლარის ღირებულების ფასიანი საჩუქარი, უზრუნველყოფილი იქნა კვებითი მომსახურება 25 კაცზე.

ქედის ხანდაზმულთა კლუბის „ღირსეული სიბერე“ წევრების მიერ 9 აპრილის აღნიშვნა, დაიხარჯა: 100 ლარი

ჩატარების თარიღი: 09 აპრილი 2025 წელი

ჩატარების ადგილი: დაბა ქედა, 9 აპრილის სკვერი.

ღონისძიების მიზანი: სამშობლოსათვის თავდადებულ გმირთა სხოვნა, მათი პატივისცემა, ეროვნული დღესასწაულების აღნიშვნა. ღონისძიების ფარგლებში ხანდაზმულთა კლუბის წევრებმა მოინახულენ და ტიტებით შეამკენ 9 აპრილს დაღუპულ გმირთა მემორიალი და პატივი მიაგენ დაღუპულთა ხსოვნას.

ქედის ხანდაზმულთა კლუბის „ღირსეული სიბერე“ წევრთა ექსკურსია საგარეჯოში, დაიხარჯა: 5060 ლარი

ჩატარების თარიღი: 18, 19, 20 ივნისი 2025 წელი (გასვლითი)

ჩატარების ადგილი: საგარეჯოს მუნიციპალიტეტი

ღონისძიების მიზანი: ქედის მუნიციპალიტეტში მცხოვრები ხანდაზმულების ცხოვრების გამრავალფეროვნება და კულტურულ ცხოვრებაში უფრო აქტიურად ჩართვა, მათი ღვაწლის დაფასება. ხანდაზმულები ეცნობიან ჩვენი ქვეყნის კულტურულ და ისტორიულ ღირებულებებს. ერთვებიან სხვადასხვა ღონისძიებებში, სადაც ერთმანეთს უზიარებენ თავიანთ გამოცდილებებსა და შეხედულებებს. ღონისძიების ფარგლებში განხორციელდა სატრანსპორტო მომსახურება, ღამის თევა, კვებითი მომსახურება. კლუბის წევრებმა დაათვალიერეს ქალაქი საგარეჯო, ისტორიული მუზეუმი, გიორგი ლეონიძის სახლ-მუზეუმი, დავით გარეჯი, საგარეჯოს პეტრე-პავლეს ეკლესია.

ქედის ხანდაზმულთა კლუბის „ღირსეული სიბერე“ წევრების მიერ 9 მაისის აღნიშვნა, დაიხარჯა: 130 ლარი

ჩატარების თარიღი: 9 მაისი 2025 წელი.

ჩატარების ადგილი: დაბა ქედა ყედის შერვაშიძის სახელობის სკვერი;

ღონისძიების მიზანი: სამშობლოსათვის თავდადებულ გმირთა ხსოვნა, მათი პატივისცემა, ეროვნული დღესასწაულების აღნიშვნა.

ხანდაზმულთა კლუბის წევრების ჩართვა კულტურულ ღონისძიებებში. ღონისძიების ფარგლებში ქედის ხანდაზმულთა კლუბის წევრებმა ყვავილებით შეამკენ მეორე მსოფლიო ომში დაღუპულ გმირთა მემორიალი და პატივი მიაგენ მათ ხსოვნას.

ქედის ხანდაზმულთა კლუბის „ღირსეული სიბერე“ წევრების მიერ 26 მაისი - საქართველოს დამოუკიდებლობის დღის აღნიშვნა, დაიხარჯა: 130 ლარი

ჩატარების თარიღი: 26 მაისი 2025 წელი

ჩატარების ადგილი: დაბა ქედა, ყედის შერვაშიძის სახელობის სკვერი;

ღონისძიების მიზანი: ეროვნული დღესასწაულების აღნიშვნა და გმირების უკვდავყოფა.

ხანდაზმულთა კლუბის წევრებმა ყვავილებით შეამკვენ მემორიალი და პატივი მიაგენ გმირებს. წევრები აქტიურად ჩაეთო ამ დღისადმი მიძღვნილ სხვასდასხვა ღონისძიებებში.

ქედის ხანდაზმულთა კლუბის „ღირსეული სიბერე“ წევრთა ექსკურსია ცაგერში დაიხარჯა: 3470 ლარი

ჩატარების თარიღი: 10-11 ივლისი 2025 წელი (გასვლითი)

ჩატარების ადგილი: ცაგერის მუნიციპალიტეტი

ღონისძიების მიზანი: ქედის მუნიციპალიტეტში მცხოვრები ხანდაზმულების ცხოვრების გამრავალფეროვნება და კულტურულ ცხოვრებაში უფრო აქტიურად ჩართვა, მათი ღვაწლის დაფასება. ხანდაზმულები ეცნობიან ჩვენი ქვეყნის კულტურულ და ისტორიულ ღირებულებებს. ერთვებიან სხვასდასხვა ღონისძიებებში, სადაც ერთმანეთს უზიარებენ თავიანთ გამოცდილებებსა და შეხედულებებს. ღონისძიების ფარგლებში განხორციელდა სატრანსპორტო მომსახურება, ღამის თევზა, კვებითი მომსახურება. კლუბის წევრებმა დაათვალიერეს ქალაქი ცაგერი, ცაგერის ისტორიული მუზეუმი, ლადო ასათიანის სახლ-მუზეუმი, ზუბის ციხე, ცაგერის საკათედრო ტაძარი.

ქედის ხანდაზმულთა კლუბის „ღირსეული სიბერე“ წევრთა ექსკურსია მარტვილში, დაიხარჯა: 3000 ლარი

ჩატარების თარიღი: 29-30 აგვისტო 2025 წელი (გასვლითი)

ჩატარების ადგილი: მარტვილის მუნიციპალიტეტი

ღონისძიების მიზანი: ქედის მუნიციპალიტეტში მცხოვრები ხანდაზმულების ცხოვრების გამრავალფეროვნება და კულტურულ ცხოვრებაში უფრო აქტიურად ჩართვა, მათი ღვაწლის დაფასება. ხანდაზმულები ეცნობიან ჩვენი ქვეყნის კულტურულ და ისტორიულ ღირებულებებს. ერთვებიან სხვასდასხვა ღონისძიებებში, სადაც ერთმანეთს უზიარებენ თავიანთ გამოცდილებებსა და შეხედულებებს. ღონისძიების ფარგლებში განხორციელდა სატრანსპორტო მომსახურება, ღამის თევზა, კვებითი მომსახურება. კლუბის წევრებმა დაათვალიერეს ქალაქი მარტვილი, მარტვილის ისტორიული მუზეუმი, მარტვილის კანიონი, აბედათის ციხე, მარტვილის სამონასტრო კომპლექსი.

ქედის ხანდაზმულთა კლუბის „ღირსეული სიბერე“ წევრებისათვის ხანდაზმულთა საერთაშორისო დღის აღნიშვნა, დაიხარჯა: 1630 ლარი

ჩატარების თარიღი: 01 ოქტომბერი 2025 წელი

ჩატარების ადგილი: დაბა ქედა

ღონისძიების მიზანი: ქედის მუნიციპალიტეტში მცხოვრები ხანდაზმულებისათვის ცხოვრების გამრავალფეროვნება.

ღონისძიებების ფარგლებში კლუბის წევრებს (20 წევრი) გადაეცათ ფასიანი საჩუქარი, განხორციელდა 25 კაცის კვებითი მომსახურება.

ქედის ხანდაზმულთა კლუბის „ღირსეული სიბერე“ წევრების მიერ განვლილი წლის შედეგების შეჯამება და შობა ახალი წლის საზეიმოდ მილოცვა, ბიუჯეტი: 1630 ლარი

ჩატარების თარიღი: 2025 წლის 23 დეკემბერი

ჩატარების ადგილი: დაბა ქედა

ღონისძიების მიზანი: ქედის მუნიციპალიტეტში მცხოვრები ხანდაზმულების ცხოვრების გამრავალფეროვნება, მათთვის საახალწლო განწობის შექმნა

ლონისძიებების ფარგლებში კლუბის წევრებს (20 წევრი) გადაეცათ ფასიანი საჩუქარი, განხორციელდა 25 კაცის კვებითი მომსახურება.

კულტურულ-საგანმანათლებლო ღონისძიებები:

მასწავლებელთა მერვე მუნიციპალური კონფერენცია, დაიხარჯა 5540 ლარი

ჩატარების თარიღი: 30 ივნისი 2025 წელი.

ჩატარების ადგილი: დაბა ქედა, სსიპ ვახტანგ პაპუნძის სახელობის ქედის საჯარო სკოლა.

ლონისძიების მიზანი: ღონისძიების მიზანია მასწავლებლების პროფესიული განვითარების ხელშეწყობა, თანამედროვე საგანმანათლებლო გამოწვევებისა და საუკეთესო პრაქტიკის გაზიარება, ასევე საგანმანათლებლო ინოვაციების დანერგვის ხელშეწყობა. ღონისძიებაში ჩართულ ბენეფიციართა რაოდენობა - 190 კაცი.

სიმღერისა და ცეკვის ბაგშეთა ფოლკლორული ანსამბლების ოლიმპიადა, დაიხარჯა: 7150,80 ლარი

ჩატარების თარიღი: 18 მაისი, 22 მაისი, 12 ივნისი 2025 წელი.

ჩატარების ადგილი: ხელვაჩაურის მუნიციპალიტეტი; ქ. ბათუმი.

ლონისძიების მიზანი: შემოქმედებითი ნიჭით დაჯილდოებული ახალგაზრდების აღმოჩენა და წარმოჩენა, მათი პოპულარიზაცია. ტრადიციული ხელოვნების, ქართული ხალხური სიმღერისა და ცეკვის წარმოჩენა და პოპულარიზაცია ახალგაზრდა თაობაში, ნიჭიერი შემსრულებლების გამოვლენა და მონაწილეთა შორის შემოქმედებით სიახლეთა გაზიარება, არამატერიალური კულტურული მემკვიდრეობის დაცვა და პოპულარიზაცია.

ლონისძიების პირველი შესარჩევი ტური ჩატარდა ხელვაჩაურის მუნიციპალიტეტში, სადაც მონაწილეობას ღებულობდა ქედის საჯარო სკოლების ანსამბლები და ინდივიდუალური შემსრულებლები, ხოლო მეორე და დასკვნითი ტურები გაიმართა ქ. ბათუმში საზაფხულო ტეატრში და ხელოვნებისა და მუსიკის ცენტრში.

ლონისძიების ფარგლებში განხორციელდა ოლიმპიადაში მონაწილე ქედის მუნიციპალიტეტის საჯარო სკოლების ფოლკლორული ანსამბლების მონაწილეთა ტრანსპორტირება.

ოლიმპიადის ფარგლებში ქედის სალოტბარო სკოლის მოსწავლეებმა აიღეს პირველი ადგილი <https://ajaratv.ge/article/152490>.

ინტერმუნიციპალური ღონისძიებები:

მუნიციპალიტეტში მცხოვრები ახალგაზრდების გასვლა სახალხო დღესასწაულ „კუნტიჯვრობა 2025“-ში, დაიხარჯა: 3250 ლარი

ჩატარების თარიღი: 12 აგვისტო 2025 წელი.

ჩატარების ადგილი: შუახევის მუნიციპალიტეტი, მთა ჩირუხი

ლონისძიების მიზანი: ახალგაზრდული პოლიტიკის განხორციელების ნაწილში ინტერმუნიციპალური თანამშრომლობის გაძლიერება, რაც მაღალმთიანი აჭარის ახალგაზრდების ჩართულობის ხარისხის გაზრდასა და მათ საჭიროებებზე მორგებული პროექტების განხორციელებას გულისხმობს. ჩვენთვის ძალზე მნიშვნელოვანია ხელი შევუწყოთ ახალგაზრდების სოციალურ რეალიზებას, წარმატების მისაღწევად სხვადასხვა უნარ-ჩვევის გამოვლენას, ჯანსაღი კომუნიკაციის დამყარებას, ახალგაზრდების დაინტერესებას ტურიზმით, მუნიციპალიტეტის ახალგაზრდების ჩართვას ინტერმუნიციპალურ ღონისძიებებში და ა.შ.

ლონისძიების ფარგლებში განხორციელდა ახალგაზრდების (25 კაცი) ტრანსპორტირება, კვებითი მომსახურება, ღამისთევა.

სხვადასხვა საგანმანათლებლო ტრენინგის ჩატარება:

ტრენინგის ჩატარება თემაზე „მისაწვდომობის ეროვნული სტანდარტებისა და გონივრული მისადაგების“ პრინციპების დანერგვის შესახებ, დაიხარჯა: 501 ლარი

ჩატარების თარიღი: 10 ოქტომბერი 2025 წელი.

ჩატარების ადგილი: დაბა ქედა, ციფრული წიგნიერების ცენტრი.

ლონისძიების მიზანი: მისაწვდომობის ეროვნული სტანდარტებისა და გონივრული მისადაგების“ პრინციპების შესახებ ცნობიერების ამაღლება. მათი არსის, მნიშვნელობისა და პრაქტიკული გამოყენების გაგება, რათა ხელი შეეწყოს შეზღუდული შესაძლებლობის მქონე პირებისათვის თანასწორი გარემოს შექმნას, ასევე ინკლუზიური სერვისების უზრუნველყოფას. ჩართული იყო ააიპ ქედის სახელოვნებო სკოლა - 12 პერსონალი;

ტრენინგის ჩატარება თემაზე „ადამიანის უფლებები“, ბიუჯეტი 2412,50 ლარი

ჩატარების ადგილი: დაბა ქედა,

ლონისძიების მიზანი: სკოლამდელი აღზრდის დაწესებულებებში საგანმანათლებლო პერსონალისათვის ადამიანის უფლებების ძირითადი პრინციპების გაცნობა. ისეთი გარემოს შექმნა, რომელიც უზრუნველყოფს ბავშვების, თანამშრომლებისა და მშობლების თანასწორობას.

ლონისძიებაში უნდა ჩაერთოს ქედის მუნიციპალიტეტის სკოლამდელი აღზრდისა და განათლების დაწესებულებების საგანმანათლებლო პერსონალი (100 კაცი).

საახალწლო-საშობაო ღონისძიებების ფარგლებში ტკბილეულის ფუთების შექმნა, დაიხარჯა: 5580 ლარი

ჩატარების თარიღი: 22 დეკემბერი 2025 წელი.

ჩატარების ადგილი: დაბა ქედა,

ლონისძიების მიზანი: საზოგადოებაში საახალწლო განწყობის შექმნა. ღონისძიების ფარგლებში 7 ფუთა გადაეცა მუნიციპალიტეტში მოქმედ იმ წარმოება-დაწესებულებებს, რომლებიც 24 საათიანი გრაფიკით მუშაობენ. ასევე 3 ფუთა გადაეცა ქედის წმინდა ნიკოლოზის სახელობის ეკლესიას, ხოლო 10 ფუთა გადაეცა მუნიციპალიტეტში მცხოვრებ სოციალურად დაუცველ, მრავალწევრიან, ხანდაზმულ, მარტოხელა ბენეფიციარებს.

2025 წლის კულტურული ღონისძიებების ქვეპროგრამით გათვალისწინებული იყო 103 600 ლარი, აქედან დაიხარჯა 99 741 ლარი.

განათლების ხელშეწყობა

ქედის მუნიციპალიტეტში რეგისტრირებულ წარმატებულ აბიტურიენტთა, ოქროსა და ვერცხლის მედალოსანობის კანდიდატ მოსწავლეთა და სტუდენტთა დახმარება

მიზანი: მოსწავლეების, აბიტურიენტებისა და სტუდენტების წახალისება, განათლების ხელშეწყობა, სწავლით დაინტერესება, მოტივაციის ამაღლება

ქვეპროგრამის ფარგლებში განხორციელდა:

1. იმ აბიტურიენტთა დახმარება, რომლებიც ბოლო ორი წელი სწავლობდნენ ქედის მუნიციპალიტეტის საჯარო სკოლებში და ერთიან ეროვნულ გამოცდებში მოიპოვეს სახელმწიფო (50 % - 800 ლარი, 70% - 1000

ლარი, 100% - 1500 ლრი) **გრანტი** და ჩაირიცხენ საქართველოს ტერიტორიაზე არსებულ, ავტორიზებულ უმაღლეს საგანმანათლებლო დაწესებულებებში, აკადემიური უმაღლესი განათლების პირველი საფეხურის უმაღლეს საგანმანათლებლო პროგრამებზე.

შენიშვნა: ქვეპროგრამის ფარგლებში წარმოდგენილია 8 განცხადება, მათ შორის 1 - 100 % ,3 - 70% და 4 - 50%. დოკუმენტაცია განხილულია, შესაბამისად გაიცემა ერთჯერადი დახმარება, **სულ 7700 ლარი.**

2. ქედის მუნიციპალიტეტში არსებული საჯარო სკოლების კურსამთავრებულ **ოქროსა და ვერცხლის** მედალოსნობის კანდიდატ მოსწავლეთა ერთჯერადი დახმარება (ოქროს მედალოსანი - 800 ლარი; ვერცხლის მედალოსანი - 600 ლარი).

შენიშვნა: ქვეპროგრამის ფარგლებში წარმოდგენილია 25 ოქროს მედალოსანის განცხადება. დოკუმენტაცია განხილულია, შესაბამისად გაიცა ერთჯერადი დახმარება, **სულ 20 000 ლარი.**

3. **უცხოეთის** აკრედიტირებულ უმაღლეს სასწავლებლებში ჩარიცხული სტუდენტების ერთჯერადი ფინანსური დახმარება (ერთ სტუდენტზე წლის განმავლობაში ერთჯერადად 3000 ლარი).

შენიშვნა: ქვეპროგრამის ფარგლებში წარმოდგენილია 6 განცხადება. დოკუმენტაცია განხილულია, შესაბამისად გაიცა ერთჯერადი დახმარება, **სულ 18 000 ლარი.**

4. სტუდენტს, რომელიც სწავლობს საქართველოს ტერიტორიაზე არსებულ, ავტორიზებულ უმაღლეს საგანმანათლებლო დაწესებულებებში და აქვს **მაღალი აკადემიური მოსწრება** (91- დან 100 ქულის ჩათვლით), წლის განმავლობაში წარმოდგენილი დოკუმენტაციის შესაბამისად ჩაერიცხება ერთჯერადი დახმარება, პირველი სემესტრი 500 ლარი - მეორე სემესტრი 500 ლარი.

შენიშვნა: ქვეპროგრამის ფარგლებში შემოსულია 66 განცხადება - **პირველ სემესტრში 33** განცხადება - ჩარიცხულია **16500 ლარი**, **მეორე სემესტრში 33** განცხადება, მათ შორის ერთი **რეზიდენტის** განცხადება - ჩაირიცხა **16500 ლარი**. **სულ ბიუჯეტი შეადგენს 33 000 ლარს.**

5. სტუდენტს, რომელიც სწავლობს უცხოეთის უმაღლეს სასწავლებელში გაცვლით პროგრამაზე (ბაკალავრი, მაგისტრი, დოქტორანტი, ორდინატურა, რეზიდენტურა), სწავლის წახალისების მიზნით წლის განმავლობაში ერთხელ 1-2- თვეზე დაერიცხა 1000 ლარი, 3-4 თვეზე 1500 ლარი, 5-6 თვეზე 2000 ლარი, 7 და მეტ თვეზე 2500 ლარი.

შენიშვნა: ქვეპროგრამის ფარგლებში წარმოდგენილია 6 განცხადება, მათ შორის 4 თვეზე 4 განცხადება, 2 თვეზე 1 განცხადება და 5-6 თვეზე 1 განცხადება. დოკუმენტაცია განხილულია და განხორციელებულია შესაბამისი რეაგირება. **სულ ბიუჯეტი შეადგენს 9000 ლარს.**

ქვეპროგრამის ბიუჯეტი შეადგენს 87 700 ლარს.

გთხოვთ ყოველივე ზემოთ აღნიშნული მიიღოს ცნობად.